

大寶積經

第九十二

八十二
制二

47600



元祿九年丙子二月日重修

皇圖葉圖 帝潛綴昌

佛日增輝 懋輪崇轉

山城州天安寺法金剛院置



大寶積經卷第九十二

大唐三藏法師菩提流志奉詔譯

發勝志樂會第二十五之二

尔時弥勒菩薩摩訶薩白佛言世尊初業喜
薩既出家已未得慧力而欲得者當捨何法
當修何法未生慧力能令出生已生慧力能
令增長佛告弥勒菩薩言弥勒初業喜薩既
出家已欲令慧力而得增長當於利養知其
過失應須捨離若好憤鬧世俗言話耽著睡
眠廣營衆務樂諸戲論如是過失皆應遠離
是故應捨利養修於少欲捨諸憤鬧樂於寂
靜捨諸世話觀於實義初夜後夜遠離睡眠

觀察思惟隨行修習捨於衆務及諸戲論修
出世道慈念衆生彌勒初業菩薩既出家已
未得慧力而欲得者是法應捨是法應修何
以故彌勒彼諸菩薩既出家已未得慧力而
欲得者不捨利養不修少欲未生慧力當今
出生已生慧力能令增長無有是處不捨憤
鬧不住寂靜未生慧力當今出生已生慧力
能令增長亦無是處不捨世話不觀實義未
生慧力當今出生已生慧力能令增長無有
是處初夜後夜耽著睡眠曾不覺悟繫念思
惟不捨衆務好諸戲論於出世道不能修行
於諸衆生不生慈念未生慧力當今出生已

生慧力能令增長亦無是處。彌勒是故。菩薩未得慧力而欲得者，應捨諸法當須捨離。應修諸法當須修習。何以故？菩薩智慧從因緣生。若無因緣終不能生。因緣和合。今乃得生。今時彌勒菩薩白佛言：世尊，云何名為利養中過？若觀察時能令菩薩樂於少欲，不生熱惱。佛言：彌勒，初業菩薩當觀利養。生貪欲故當觀利養。壞失正念，生瞋恚故當觀利養。念其得失，生愚癡故當觀利養。能生高下嫉妬心故當觀利養。於親友家慳慳，耽著生誑惑故當觀利養。成就愛味，生諂曲故當觀利養。捨四聖種，無慙愧故當觀利養。一切諸佛所

不許可數習憍逸生高慢故當觀利養於勝
福田起於輕慢爲魔黨故當觀利養衆惡根
本諸善壞故當觀利養多所貪著猶霜雹故
當觀利養於親友家瞻候顏色生憂惱故當
觀利養愛物損壞憂心亂故當觀利養於四
念處多所忘失白法羸故當觀利養於四正
勤多有退失能令一切他論勝故當觀利養
自言已得神通智慧違背生故當觀利養先
得後失然憎生故當觀利養牙相瞋嫌說其
過惡多覺觀故當觀利養爲於活命營諸世
業計度思惟安樂減故當觀利養乃至禪定
解脫三昧三摩鉢底心如姪女能退失故當

觀利養捨離智斷墮於地獄餓鬼畜生閻摩
羅界諸惡道故當觀利養與提婆達多烏陀
洛迦同於法住墮惡道故弥勒初業菩薩如
是觀察利養過失樂於少欲不生熱惱何以
故弥勒少欲菩薩於一切過皆悉不生堪為
諸佛清淨法器而不繫屬在不出家住於真
實最勝意樂不為卑下亦不驚怖離諸惡道
墮落畏故無能映蔽捨耽味故衆魔境界得
解脫故一切諸佛之所稱讚諸天及人亦當
愛羨於諸禪定而不深著住邊際故其心質
直無有諂曲於五欲中亦不放逸見其過故如
說修行能任聖種同梵行者亦當愛樂弥勒

若有菩薩智慧聰敏於此功德能如是知以
勝意樂當捨利養以勝意樂住於少欲為斷
貪愛而發起故尔時弥勒菩薩白佛言世尊
云何名為憤鬧中過若觀察時菩薩獨處閑
靜不生熱惱佛言弥勒初業菩薩應當觀察
憤鬧過失有二十種若觀察時能令菩薩獨
處閑靜不生熱惱弥勒云何名為樂於憤鬧
二十種過一者不護身業二者不護語業三
者不護意業四者多饒貪欲五者增長愚癡
六者耽著世話七者離出世語八者於非法
中尊重修習九者捨離正法十者天魔波旬而
得其便十一者於不放逸未曾修習十二者於

放逸行常懷深著十二者多諸覺觀十四者損
減多聞十五者不得禪定十六者無有智慧十
七者速疾而得非諸梵行十八者不愛於佛十
九者不愛於法二十者不愛於僧弥勒是為菩
薩觀於憤鬧二十種過尔時世尊重說偈言
捨離諸貪瞋
不住於憤鬧
若有專住彼

是過不應作

憍慢及覺觀

皆由憤鬧生

壞行無戒人

稱嘆於憤鬧

愚人樂世論

退失第一義

放逸多覺觀

是過不應作

比丘捨多聞

言論不如理

損減諸禪定

常思惟世間

耽著思惟者

何得於寂靜

其心常散逸

永離於正觀

速得於寂靜

誼雜無儀檢

亦不曾愛佛

及愛於聖眾

棄捨離欲法

耽著非法言

我常常捨千身

支分及頭目

為求無上道

聞法無厭足

是諸非法人

少聞便厭捨

我昔作國王

為求四句偈

妻子及財寶

悉皆能施與

何有於智者

而不勤聽法

我常捨一切

非法之戲論

為於百千劫

難得解脫故

汝等應欣樂

志求微妙法

若樂於解脫

最勝功德者

世間諸事業

皆所不應問

衣食無勝利

亦不證涅槃

當稱嘆最勝

善來諸比丘

應敷座令坐

乎說諸法要

人身甚難得

隨分行白法

讀誦及禪定

汝應如是問
比丘多放逸
晝夜談世話
自知多毀犯
獨處於閑寂
不應見人過
莫輕下劣人
比丘雖破戒
不應見其過
餘習法應介
伺他人過失
如理修行者

如來入涅槃
樂眾棄閑靜
愚人於夢中
當墮三惡道
若在阿蘭若
自謂最尊勝
彼於遺法中
深信於三寶
摧伏貪瞋難
是故不須說
是最非真實
當須自觀察

遺法當滅壞
為飲食利養
驚怖而漂溺
應生歡喜心
志求無上道
驕恣放逸本
漸次而解脫
是則解脫因
勿驚於放逸
若清淨比丘
不名修正法
求道諸比丘

捨離惡言論 常以歡喜心 獨處於閑靜
尔時彌勒菩薩復白佛言希有世尊孰著憤
鬧乃有如是無量過惡退失功德無有利益
增長煩惱墮諸惡趣遠離白法何有菩薩求
善法者聞是過失而不樂於獨處閑靜尔時
彌勒菩薩白佛言世尊云何名為世話中過
若觀察時菩薩應任決定之義由觀是義不
生熱惱佛言彌勒初業菩薩應當觀察世話過
失有二十種若觀察時能令菩薩任決定義由
觀是義不生熱惱彌勒云何名為樂於世話二
十種過一者心生憍恣不敬多聞二者於諸
諍論多起執著三者失於正念如理作意四

者爲所不應身多躁動五者速疾高下壞於
法忍六者心常剛強禪定智慧曾不薰修七
者非時而語言論所纏八者不能堅固證於
聖智九者不爲天龍之所恭敬十者爲辯才
者常懷輕賤十一者爲身證者之所呵責十二
者不住正信常懷悔恨十三者心多疑惑搖動
不安十四者猶如倡伎隨逐音聲十五者深
著諸欲隨境流轉十六者不觀真實誹謗正
法十七者有所希求常不稱遂十八者其心
不調爲人棄捨十九者不知法界隨順惡友
二十者不了諸根繫屬煩惱彌勒是爲菩薩
樂於世話二十種過尔時世尊重說偈言

憍傲於多聞

執著諸諍論

失念不正知

是名世話過

遠離正思惟

身心不寂靜

退失於法忍

是名世話過

其心不調順

遠離奢摩他

及毗鉢舍那

是名世話過

不尊敬師長

愛樂於世論

智慧不堅固

是名世話過

諸天不恭敬

龍神亦復然

退失於辯才

是名世話過

聖者常訶責

如是耽著人

唐捐於壽命

是名世話過

諸行皆缺減

遠離大菩提

命終生憂苦

是名世話過

疑惑心動搖

猶如風吹草

智慧不堅固

是名世話過

譬如倡伎人

讚說他勇健

彼人亦復然

是名世話過

隨逐世語言

染著諸欲境

常行於邪道

是名世話過

希求心不遂

諂曲多諍論

遠離於聖行

是名世話過

愚人得少利

其心常搖動

如猿猴躁擾

是名世話過

智慧多退失

無有覺悟心

愚者所攝持

是名世話過

迷惑於眼耳

乃至意亦然

常與煩惱俱

是名世話過

愚人樂世話

盡壽常空過

不如思一義

獲利無有邊

譬如甘蔗味

雖不離皮節

亦不從皮節

而得於勝味

皮節如世話

義理猶勝味

是故捨虛言

思惟於實義

智慧諸菩薩

能知世話過

常愛樂思惟

第一義功德

法味及義味

解脫第一味

誰有智慧者

心不生欣樂

是故應棄捨

無利諸言語

常樂勤思惟

殊勝第一義

如是第一法

諸佛所讚歎

是故明智人

當樂勤修習

爾時弥勒菩薩復白佛言希有世尊乃能善

說世話過失思惟勝義利益功德世尊何有

菩薩求於如來真實智慧而復樂於虛誑世

話爾時弥勒菩薩而白佛言世尊云何名為

睡眠中過若觀察時菩薩應當發起精進不

生熱惱佛言弥勒初業菩薩應當觀察睡眠

過失有二十種若觀察時能令菩薩發起精

進意樂無倦弥勒云何名為樂於睡眠二十

種過一者懈怠懶惰二者身體沉重三者顏色憔悴四者增諸疾病五者火界羸弱六者食不消化七者體生瘡疱八者不勤修習九者增長愚癡十者智慧羸劣十一者皮膚闇濁十二者非人不敬十三者爲行愚鈍十四者煩惱纏縛十五者隨眠覆心十六者不樂善法十七者白法減損十八者行下劣行十九者憎嫌精進二十者爲人輕賤弥勒是爲菩薩樂於睡眠二十種過尔時世尊重說偈言

身重無儀檢

懈怠少堪任

顏色無光澤

是樂睡眠過

彼人常病惱

風黃多積集

四大牙違反

是樂睡眠過

飲食不消化

身體無光潤
聲嘶不清徹
是樂睡眠過

其身生瘡疤
晝夜常昏睡
諸蟲生機閑
是樂睡眠過

是樂睡眠過
退失於精進
乏少諸財寶
是樂睡眠過

多夢無覺悟
是樂睡眠過
癡網常增長
是樂睡眠過

樂著於諸見
熾盛難療治
是樂睡眠過
增長於愚癡
志意常下劣

損減諸智慧
增長於愚癡
常懷懈怠心

是樂睡眠過
彼任阿蘭若
蒙憤失正念
是樂睡眠過

非人得其便
是樂睡眠過
其心不安樂

諷誦不通利
說法多廢忘
常生憂悔心

由癡起迷惑
任於煩惱中
遠離諸善友

是樂睡眠過
功德皆損減

增長諸煩惱
是樂睡眠過

亦不求正法 常行非法中 是樂睡眠過
不欣求法樂 損減諸功德 遠離於白法
是樂睡眠過 彼人心怯弱 恒少於歡喜
支分多羸瘦 是樂睡眠過 自知身懈怠
嫉妬精進者 樂說其過惡 是樂睡眠過
智者了其過 常離於睡眠 愚人增見網
無利損功德 智者常精進 勤修清淨道
離苦得安樂 諸佛所稱嘆 世間諸伎藝
及出世工巧 皆由精進力 智者應修習
若人趣菩提 了知睡眠過 安住精進力
覺悟生慙愧 是故諸智者 常生精進心
捨離於睡眠 守護菩提種

尔時弥勒菩薩而白佛言希有世尊樂著睡眠乃有如是無量過失若有聞者不生憂悔厭離之心發起精進當知是人甚大愚癡若有菩薩為欲志求阿耨多羅三藐三菩提者聞說如是真實句義功德利益於諸善法而生懈怠不起精進任菩提分無有是處尔時弥勒菩薩白佛言世尊云何名為眾務中過若觀察時令諸菩薩不營眾務勤修佛道佛言弥勒初業菩薩應當觀察樂營眾務二十種過若觀察時能令菩薩不營眾務勤修佛道弥勒云何名為二十種過一者耽著世間下劣之業二者為諸讀誦修行比丘之所輕

賤三者亦爲勤修禪定比丘之所呵責四者
心常發起無始生死流轉之業五者虛食居
士及婆羅門淨心信施六者於諸財物心懷
取著七者常樂廣營世間事務八者念其家
業常懷憂嘆九者其性很戾發言魚獮十者
心常憶念勤修家業十一者愛著諸味增長
貪欲十二者無利養處不生歡喜十三者多
生惱害障礙之業十四者常樂親近諸優婆
塞及優婆夷十五者但念衣食而度晝夜十
六者數問世間所作事業十七者常樂發起
非法語言十八者恃營衆務而起憍慢十九
者但求人過不自觀察二十者於說法者心

懷輕賤彌勒是為菩薩樂營眾務二十種過
尔時世尊重說偈言

安住下劣業 遠離殊勝行 退失大利益

是名眾務過 樂讀誦比丘 及修禪定者

一切皆訶責 是名眾務過 常行生死業

捨離解脫因 虛受於信施 是名眾務過

樂受諸財寶 不得生憂惱 任於下劣行

是名眾務過 是人多愛染 往來姪女家

如鳥入樊籠 是名眾務過 常憂嘆家業

恒懷熱惱心 出言人不信 是名眾務過

不受尊者教 違拒而輕賤 毀犯清淨戒

是名眾務過 其心多憶想 勤營於世業

不能修智斷

是名眾務過

貪心恒熾盛

樂著於諸味

曾無知足心

是名眾務過

得利生歡喜

無利便憂惱

貪悖無仁心

是名眾務過

惱害無慈愍

增長諸惡業

愛蔓相纏縛

是名眾務過

遠離於師長

親近惡知識

擯斥持戒人

是名眾務過

晝夜無餘想

唯念求衣食

不樂諸功德

是名眾務過

常問世間智

不樂出世言

耽愛於邪說

是名眾務過

自恃知眾務

輕慢諸比丘

猶如狂醉人

是名眾務過

常伺求他短

不自見其過

輕毀有德人

是名眾務過

如是愚癡者

無有善方便

輕慢說法者

是名眾務過

如是下劣業

具足諸過失

何有智慧人

愛樂而修習

清淨殊勝業

具足諸功德

是故有智人

愛樂常修習

若樂下劣業

智者當呵責

如人捨多財

貪求於少分

是故明智人

當捨下劣業

應求勝上法

諸佛常稱歎

尔時弥勒菩薩而白佛言希有世尊彼諸菩

薩捨離殊勝精進之業而乃發起下劣之事

當知是人甚為少智覺慧微淺佛告弥勒菩

薩言弥勒我今實言告汝若有菩薩不修諸

行不斷煩惱不習禪誦不求多聞我說是人

非出家者弥勒若有勤修智斷行者智出生

者智成就者不作世業營衆務者我說是人
任如來教若有菩薩樂作世業營於衆務爲
所不應我說是人任於生死是故菩薩不應
親近弥勒若有菩薩多營衆務造七寶塔遍
滿三千大千世界如是菩薩不能令我而生
歡喜亦非供養恭敬於我弥勒若有菩薩於
波羅蜜相應之法乃至受持一四句偈讀誦
修行爲人演說是人乃爲供養於我何以故
諸佛菩提從多聞生不從衆務而得生也弥
勒若有菩薩勤營衆務令彼讀誦修行演說
諸菩薩等營於衆務當知是人增長業障無
諸福利何以故如是所說三種福業一切皆

從智慧而生是故弥勒營事菩薩於彼讀誦
修行演說諸菩薩所不應障礙爲作留難讀
誦修行演說菩薩於修禪定諸菩薩所不應
障礙爲作留難弥勒若一閻浮提營事菩薩
於一讀誦修行演說菩薩之所應當親近供
養承事若一閻浮提讀誦修行演說諸菩薩
等於一勤修禪定菩薩亦當親近供養承事
如是善業如來隨喜如來悅可若於勤修智
慧菩薩承事供養當獲無量福德之聚何以
故智慧之業無上最勝超過一切三界所行
是故弥勒若有菩薩發起精進於智慧中當
勤修習尔時弥勒菩薩白佛言世尊如來善

說初業菩薩樂於憤鬧世話睡眠衆務過失
世尊云何名為戲論中過若觀察時今諸菩薩當
得住於寂靜無諸諍論佛言弥勒初業菩薩
戲論過失無量無邊我今略說有二十種云
何名為二十種過一者於現在生多諸苦惱
二者增長瞋恚退失忍辱三者為諸怨對之
所惱害四者魔及魔民皆生歡喜五者未生
善根皆悉不生六者已生善根能令退失七
者增諸鬪諍怨竟之心八者造作地獄惡趣
之業九者當得醜陋不善之果十者舌不柔
軟言詞蹇澁十一者所受教法不能憶持十
二者於未聞經聞之不悟十三者諸善知識

皆悉捨離十四者諸惡知識速當值遇十五者修行於道難得出離十六者不悅意語數數常聞十七者在在所生多諸疑惑十八者常生難處不聞正法十九者修行白法多有障礙二十者於所受用多諸怨嫉彌勒是為菩薩耽著戲論二十種過今時世尊重說偈言

現生常苦惱

離忍多瞋恚

怨讎生害心

是名戲論過

魔及魔眷屬

皆生歡喜心

喪失諸善法

是名戲論過

未生善不生

常住於鬪諍

造於惡趣業

是名戲論過

身形多醜陋

生於下劣家

發言常謬濫

是名戲論過

聞法不能持

或聞不入耳

常離諸善友
於道難出離
隨彼所生處
是名戲論過
具足無利益
退失正思惟
如是諸過失
速疾當遠離
是故有智人
多起諸煩惱
亦不近於彼
不應住諍論

是名戲論過
常聞不順語
常懷疑惑心
常生八難中
是名戲論過
所受多怨嫉
皆因戲論生
如是戲論者
亦應不親近
智者應遠離
造立諸舍宅
汝等無田宅

值遇惡知識
是名戲論過
於法不能了
遠離無難處
於善多障礙
是名戲論過
是故有智人
難證大菩提
戲論諍論處
當去百由旬
是故出家人
妻子及僮僕

乃至榮位等

何緣興諍論

出家住寂靜

身被於法服

諸仙咸敬事

當修忍辱心

如是戲論者

增長毒害心

當墮於惡趣

是故應修忍

囚禁及繫縛

刑害而捶楚

如是等諸苦

皆由諍論生

如是戲論者

常遇惡知識

名稱不增長

曾無歡喜心

若捨於諍論

無能伺其便

眷屬不乖離

當遇於善友

於乘得清淨

業障盡無餘

摧伏於魔軍

勤修忍辱行

諍論多諸過

無諍具功德

若有修行者

當任於忍辱

尔時弥勒菩薩復白佛言希有世尊乃能善

說如是過失今諸菩薩生覺悟心世尊於後

末世五百歲中頗有菩薩聞說如是諍論過失能生憂悔離煩惱不佛告弥勒菩薩言弥勒於後末世五百歲中少有菩薩能生憂悔捨離煩惱多有菩薩其心剛強不相尊敬懷增上慢牙相是非聞說如是甚深義趣殊勝功德雖復受持讀誦演說由是菩薩業障深重不能得生殊勝功德便於是經疑惑不信不復受持爲人演說時魔波旬見是事已爲誑惑故作比丘像來到其所說如是言此諸經典皆是世俗善文詞者之所製造非是如來之所宣說何以故此經所說功德利益汝皆不得由魔波旬如是誑惑於此空性義利

相應甚深契經心生疑惑起諸諍論不復受
持讀誦演說弥勒彼諸愚人不能了知由自
業故不能獲彼殊勝功德自業消已決定當
得如是功德尔時弥勒菩薩白佛言世尊如
佛所說阿弥陀佛極樂世界功德利益若有
衆生發十種心隨一一心專念向於阿弥陀
佛是人命終當得往生彼佛世界世尊何等
名爲發十種心由是心故當得往生彼佛世
界佛告弥勒菩薩言弥勒如是十心非諸凡
愚不善丈夫具煩惱者之所能發何等爲十
一者於諸衆生起於大慈無損害心二者於
諸衆生起於大悲無逼惱心三者於佛正法

不惜身命樂守護心四者於一切法發生勝
忍無執著心五者不貪利養恭敬尊重淨意
樂心六者求佛種智於一切時無忘失心七
者於諸衆生尊重恭敬無下劣心八者不著
世論於菩提分生決定心九者種諸善根無
有雜染清淨之心十者於諸如來捨離諸相
起隨念心弥勒是名菩薩發十種心由是心
故當得往生阿弥陀佛極樂世界弥勒若人
於此十種心中隨成一心樂欲往生彼佛世
界若不得生無有是處尔時尊者阿難白佛
言希有世尊乃能開示演說如來真實功德
發起菩薩殊勝志樂世尊當何名此經我

等云何受持佛告阿難言此經名為發起菩薩殊勝志樂亦名弥勒菩薩所問以是名字汝當受持佛說此經已弥勒菩薩及諸聲聞一切世間天人阿脩羅乾闥婆等聞佛所說皆大歡喜信受奉行

大寶積經卷第九十二

制

霜電

下音

羸

力垂

漂

溺

下音

躁

動

上則到

不安

唐捐

下音

焦悴

上音

瘡

疱

下音

靜也

又正

皮膚

下音

聲嘶

下音

怯弱

下音

佷

戾

上音

樊籠

上音

莠

